

周

易

說

周易上經泰傳弟二

李氏集解 王氏說

䷊

乾下坤上

泰

序卦曰履而泰然後安故受之以泰泰者通也馬曰泰大也鄭曰通

也崔曰以禮導之必通通然後安所謂君子以辯上下定民志通而安也泰从升水从

大滑也古文作太从大大二大即地天也地行天上宣夜之學地有升降萬物所由通

小往大來吉亨

虞曰陽息坤反否也坤陰誦為小往乾陽升內為大來天

地交萬物通故吉亨冬至最卑將生長之候

謂初九泰之升拔茅

茹以其彊

彙董遇作彊鄭曰彊勤也董遇曰彊出也虞曰否泰反其類也巽

為茅茹茅根艮為手彙類也初應四故拔茅茹以彙茅茹茹蘆茅蒐以染韎韋韋弁爵

弁及哈皆用之乾坤象垂衣裳命服乃有韠初為士故以茅蒐言之韋弁軍服上下所同

君大夫皆韎韠也茅蒐今直名紅花莖葉叢刺似萑萑蠋古今字蟲似豪豬拔茅蒐不以

有刺棄喻進用逸賢不征吉虞曰震為征得問小疵所謂裁成也

皆士服上下同九二泰之明夷包荒鄭曰荒心於征伐皆吉

虛也翟元曰荒虛也二五相應五虛无陽二上包之荒柢榦也在荀曰惟在上曰荒君

謂之褚大夫畫荒士布荒包之者以絲著之禮為白乾為錦

初茅褚之用馮河中陽性欲升陰性欲承

馮河而上不用舟旒虞曰在中稱包荒大川  
也馮河涉河失位變得正體坎坎爲大川  
用者不宜用也用包幌之象以死自期譬之  
馮河不能濟也五成坎爲既濟坎水流乾地  
象河二不變則**不遐遺朋亡**荀曰自地升天  
成需故不宜濟**不遐遺朋亡**道雖遼遠三體  
俱上不能止之故曰不遐遺虞曰乾爲遠故  
不遐遺兌爲朋坤虛無君欲使二上故朋亡  
遐遐假古今字假至遐遠因爲二字耳遺亡  
也詩曰不我遐棄言諸侯不以遠而棄我此  
不遐遺不遺遠人也喪朋有慶不遺遠則無  
朋之見書曰孺子其朋言王道無黨也遐謂  
四也朋謂初三**得尚于中行**荀曰中謂五坤  
翩翩是遺遐也爲朋朋亡而下  
則二上居五而行中和矣虞曰二與五易位  
故得上于中行中行謂五也尚猶配也五

爲帝妹二得配九三泰之臨无平不陂无往

不復虞曰陂傾謂否上也平謂三天地分故

謂消外復謂息內從三至上體復象終日乾

乾反復道故无平不陂无往不復也平坪

古今字坪地平也陂阪也无平則不見阪无

往則无所復言三變則臨往則否臨取臨北

咸北左高右高是陂也往則成觀將艱貞无

剝故不復也三居天地際故象地平艱貞无

咎夷利艱貞勿恤其孚于食有福虞曰艱險

孚信也二之五得正在坎中故艱貞坎爲憂

故勿恤陽在五孚險坎爲孚故有孚體噬嗑

食也二上之五據四則三乘二故于食有福

應初升勿恤五坎爲孚食采邑也福佑也

坤爲邑乾爲福  
言上坤得助  
**六四**泰之大壯  
**翺**從子夏傳

陸本  
作篇  
翺  
秀  
虞曰二五變時四體离飛故翺翺向

所係當从釋文作篇書也連簡爲篇壯  
進爲交書契之象版策連積民富殷盛  
**不富**

虞曰坤虛无  
陽故不富  
**以其鄰**  
虞曰兌西震東故稱其

亦成明夷故象東鄰西鄰小畜五成大畜故  
富以其鄰謙五動互離故不富泰五既濟亦

互離故亦不富以凡鄰皆謂二伯也由  
我使人則曰以由人致然則曰以其  
**不戒**

**以孚**  
虞曰謂坤邑人不戒故使二升五信來  
孚邑故不戒以孚  
戒亦謂祭戒也國

盛而己不富故不命而民聽上  
郊祭之禮三公所主言天祐之  
**六五**泰之需

帝乙歸妹以祉元吉

子夏傳曰帝乙歸妹謂

有周人五號帝天稱一也王美稱二也天子  
爵號三也大君者典盛行異四也大人者聖  
人德備五也京房曰湯嫁妹之辭曰無以天  
子之尊而乘諸侯無以天子之富而驕諸侯  
陰之從陽女之順夫本天地之義也往事爾  
夫必以禮義鄭曰五爻辰在卯春爲陽萬物  
以生生育者嫁娶之貴仲春之月嫁娶男女  
之禮福祿大吉荀曰婦人謂嫁曰歸言湯以  
娶禮歸其妹於諸侯也九家易曰五者帝位  
震象稱乙是爲帝乙六五以陰處尊位帝者  
之姊妹五在震後明其爲妹也五應於二當  
下嫁二婦人謂嫁曰歸故言帝乙歸妹謂下  
居二以中和相承故元吉也虞曰震爲帝坤  
爲乙帝乙紂父歸嫁也震爲兄兌妹故嫁妹

社福也謂五變體離離爲大腹則妹嫁而孕  
得位正中故以社元吉也帝乙殷天子之  
稱妹媵娣也歸妹則嫁于大夫爲內子與君  
之庶女爲君媵大夫妻五柔當尊降應九二  
互兌爲妾大畜艮爲少男爲止以巽配震有  
夫婦之象兌艮爲男下女故以社元吉言歸  
妹得妻也上六泰之大畜城復于隍子夏傳作  
大也夫也上六泰之大畜城復于隍子夏傳作  
隍子夏傳曰隍城下池也鄭曰隍壑也虞  
曰否艮爲城故稱城坤爲積土隍城下溝無  
水稱隍有水稱池今泰反否乾壞爲土  
艮城不見而體復象故城復于隍也勿用  
師自邑告命貞吝虞曰謂二動時體師陰皆  
爲自邑震爲言兌爲口否巽爲命今逆陵陽  
故自邑告命命逆不順陰道先迷失實遠應



故貞吝 成艮毀坤故勿用師邑邊鄙也命  
自中出今自邑告而後出命倉卒應敵故吝  
也

彖曰泰小往大來吉亨

蜀才曰此本坤卦小  
謂陰也大謂陽也天

氣下地氣上陰陽  
交萬物通故亨

則是天地交而萬物通也

何曰此明天道也夫泰之爲道本以通生萬  
物若天氣上騰地氣下降各自閉塞不能相  
交則萬物無所得生明  
萬物生由天地交也  
何曰此明人事泰也上之與下猶君之與臣  
君臣交感乃可以濟養民也天地以氣通君  
臣以志  
同也  
內陽而外陰內健而外順  
何曰此明  
天道也陰

陽之名就爻爲語健順之稱指卦而言順而陰居外故曰小往健而陽在內故曰大來

內君子而外小人崔曰此明人事也陽爲君子在內健於行事陰爲小

人在外順以聽命君子道長小人道消也九家易曰謂陽息而

升陰消而降也陽稱息者長也起復成巽萬物盛長也陰言消者起姤終乾萬物成熟成

熟則給用給用則分散故陰用特言消也易言小人皆謂陰邪然則外之者屏斥之也

其道宜消非謂小人有道

象曰天地交泰荀曰坤氣上升以成天道乾氣下降以成地道天地二氣

若時不交則爲閉塞今既相交乃通泰后以財成天地之道輔

相天地之宜以左右民

財荀作裁鄭曰財節也輔相左右助也

以者取其順陰陽之節爲出內之政春崇寬仁夏以長養秋教收斂冬敕蓋藏皆可以成物助民也虞曰后君也陰升乾位坤女主故稱后坤富稱財守位以人聚人以財故曰成天地之道相贊左右助之震爲左兌爲右坤爲民謂以陰輔陽詩曰宜民宜人受祿于天不言君子者專據守文之主言之后繼體君也

拔茅征吉志在外

也

虞曰外包荒得尚于中行以光大也虞曰二與

五易位故得上于中行震爲行故光大也光廣通用字此以中行連苞荒言喪禮也士喪專道而行與天子同是廣之无平不陂天地際也宋曰位在乾極

應在坤極天地之際也地平極則險陂天行  
極則還復故曰无平不波无往不復也  
天地平而見  
天際也  
篇篇不富皆失實也  
宋曰四互體  
也陰虛陽實坤今居上故言失實也  
皆者以鄰也失實則國空虛故欲其孚  
以孚中心願也  
正陰得承陽皆陰心之所願  
也  
願愿通用字  
以祉元吉中以行願也  
九  
記曰民作愿謹也  
易曰五下於二而得中正故言中  
以行願也  
謂男女皆得所願  
城復于隍  
其命亂也  
九家易曰乾當來上不可用師而  
拒之也自邑者謂從坤性而降告  
命者謂下為巽宣布君之命令也案三陰自  
相告語俱下服順承乾也城復于隍國政  
六

也坤爲亂否巽爲命交在乾上故其命亂元不飭備故倉卒而亂

三三乾坤上下否之序卦曰物不可以終通故受之

而否矣所謂城復于隍者也卦一名而希加二字者

義否之謂不從之也卦一各而希加二字者

若奮豫習坎象加字者重巽皆增明其義又

則以諸義通假相明否有否結可否不然隨

字異讀皆匪人不利虞曰陰消乾又反泰也

易例也匪人不利謂三比坤滅乾以臣弑

其君子弑其父故曰匪人匪人猶君子貞

無親也互艮巽成蠱故無親不利君子貞

虞曰陰來滅陽君子道消故不利君子貞

貞言上不變也上動則成萃陰聚又不若陽

否大往小來虞曰陰升陽屈故大往初六否

小來與比三同義也

之无妄拔茅茹以其彙貞吉亨荀曰拔茅茹取其相連彙

者類也合體曰包謂坤三爻同類相連欲在下也貞者正也謂王居其所則吉也否初

與泰初同辭者否泰均以進賢為吉六二否征貞異耳貞謂不可變亨謂不雜

之訟苞承荀曰二與四同功為四所包故曰承承承也禮曰宗人告祭

爵記曰眾賓及眾兄弟內賓宗婦公有司私臣皆殽爵燕禮主人脯醢無爵少牢上佐食

折下佐食爵有司侑折主人爵燕則賓折苟敬爵凡俎用全骨次折次爵俎有苞歸之禮

折爵不苞此爵蓋不爵也訟坎為豕小人吉苞者自包以歸言賤而慕貴乾為苞

大人不亨不本作為否荀曰小人二也謂一爻獨居間象相承得繫於陽故吉

也大人謂五乾坤分體天地否隔故曰大人  
否也二五相應否義得通故曰否言矣虞曰  
否不也小人有司以下助祭得獻榮其禮  
故包而吉大人卿大夫以上不言不受爵俎  
之獻也書曰儀六三否之遯苞羞荀曰卦性  
不及物曰不言六三否之遯苞羞為否其義  
否隔今以不正與陽相承為四所包違義失  
正而可羞者以位不當故也羞庶羞也凡  
豆正曰薦加曰羞禮告祭爵乃羞羞又輕於  
爵雖以禮賓更無苞禮萃兌為羊三與上應  
故象包羞言九四否之觀有命无咎疇離祉  
更簡於二  
疇鄭作罰九家易曰巽為命謂受五之命  
以據三陰故无咎无命而據則有咎也疇者  
類也謂四應初據三與二同功故陰類皆離  
祉也離附祉福也陰皆附之故曰有福謂下

三陰離受五四之福也 命征伐之命也

軍賞也彤弓受言酬之行還受賜曰祉詩曰

吉甫燕喜既多受祉二五變皆成離離麗九

也互艮爲止麗祉受賜於酬幣時將之

五否之晉休否 鄭曰休美也九家易曰否者

正以否絕之 休興也禮尸大人吉 九家易

誤爲尸休否而復興謂成晉 大人吉 曰乾坤

異體升降殊隔卑不犯尊 其亡其亡繫于苞

故大人吉也 離爲大人 其亡其亡繫于苞

桑 鄭曰苞種也 否世之人不知聖人有命咸

桑不亡也荀曰陰欲消陽四及五故曰其亡

其亡謂坤性順從不能消乾使亡包者乾坤

相包也桑者上玄下黃以象乾坤也乾職在

上坤體在下雖欲消乾繫其本體不能亡也



京房曰桑有衣食人之功聖人亦有天覆地  
載之德故以喻陸績曰苞桑則叢桑也苞本  
也言其堅固不亡如以巽繩繫也案其亡其  
亡近死之嗟也其與幾同幾者近也九五居  
否之時下包六二二互坤艮艮山坤地地上  
卽田也五互巽木田上有木莫過於桑故曰  
其亡其亡繫于包桑言五二包繫根深蒂固  
若山之堅如地之厚者也雖遭危亂物莫能  
害矣苞搏扶通用字扶桑曰所出也離日  
照巽故象搏桑日初出而卽思繫之喻國初  
興而豫戒危亡上九否之萃傾否先否後喜  
故曰其亡也上九否之萃傾否先否後喜  
侯曰傾爲覆也否窮則傾矣傾猶否故先否  
也否畢則通故後喜也讀否爲痞鼎顛趾  
出否謂鼎中垢膩兌爲傾爲喜  
先謂成萃後將爲泰故後喜也

帝曰否之

崔曰否不通也

匪人不利君子貞大往小

來則是天地不交而萬物不通也

崔曰於不通之時小

人道長故曰匪人君子道消故不利君子貞也蜀才曰此本乾卦大往陽往而消小來陰

來而息也何曰上下不交而天下无邦也

崔曰

此明天道否也君臣乖阻取亂之道故言无邦何曰此明人事否也秦中言志同否中云无邦者言人志不同必致離

散而亂邦國

内陰而外陽内柔而外剛

崔曰陰柔

謂乾坤陽剛

内小人而外君子小人道長君子

道消也

崔曰君子在野小人在位之義也

陸曰陰小人陽君子

天道然也

易二

九

象曰天地不交否

宋曰天地不交猶君臣不接天氣上升而不下降地

氣沈下又不上升二

君子以儉德辟難不可

營以祿

虞曰君子謂乾坤為營乾為祿難謂

乾為遠艮為山體遯象謂辟難遠遁入山故

不可榮以祿營或作榮儉或作險言君子

法否取義有二也有君德則以乾德開辟屯

難乾知險也在臣位則以坤德居下不可得

而祿之必拔茅貞吉志在君也

九家易曰陰志在下欲承

君也言君志在大人不言不亂羣也

虞曰物三

進賢則否可昌也

稱羣謂坤三陰亂弑君大人不從故不亂羣

也羣謂有司及眾賓也羣言以禹不及大

人包羞位不當也

燕饗各有定位無以羞為俎者故否之有命

无咎志行也

荀曰謂志行於羣陰命之征伐是否之志行

大人之

吉位正當也


崔曰得位居中也不交之時以明照之為正位

否終

則傾何可長也

虞曰否終必傾盈不可久故先否下反於初成益體震民

說无疆故後喜以陰剝陽故不可久也申

離下同人

序卦曰物不可以終否故受之以同人崔曰否終則傾故同於

人通而于野

鄭曰乾為天離為火卦體有

利涉矣巽為風天在上火炎上而

從之是革性同於天也

火得風然後炎上益

熾是猶人君在上施政教使天下之人

和同

而事之以是爲人和同者君之所爲也故謂  
之同人風行无所不徧徧則會通之德大行  
故曰同人于野宮 同合會也人散詞以一  
陰能合五陽使散者聚在下位故于野乾外  
曰**利涉大川**爲大川化爲訟坎**利君子貞**崔  
野以離文明而合乾健九五中正同人於二爲  
能通天下之志故能利涉大川利君子之貞  
動成革故五以不變爲利**初九**同人之遯**同**  
**人于門无咎**虞曰乾爲門謂同於四四變應  
同**六二**同人之乾**同人于宗吝**也荀曰宗者眾  
二與四同功五相應初相近上下眾陽皆欲  
與二爲同故曰同人于宗也陰道貞靜從一

而終今宗同之故吝也侯曰宗謂五也二爲  
同人之主和同者之所仰也有應在五唯同  
於五過五則否不能大同於人則爲主之德  
吝狹矣長子爲宗謂初震也同人以下同  
上爲廣但同於初九三同人之无妄伏戎于  
莽升其高陵鄭曰莽叢木也大阜曰陵虞曰  
巽爲伏震爲艸莽離爲戎謂四  
變時三在坎中隱伏自藏故伏戎于莽也巽  
爲高師震爲陵以巽股升故升其高陵劉曰  
三居下體之上故謂之陵有憑上之志故謂  
之升莽艸通用字艸眾艸也中艸艸皆艸  
後分之耳言同人以同異者爲功也无妄民  
止化離爲震象野行而艸中伏寇將被劫也  
二升艮而應五合以三歲不興虞曰爻在三  
乾爲歲興起  
同之艮山爲高陵也

也動不失位故三歲不興也 以秋計者稱

年以星計者稱歲故兌為年乾為歲也三歲

大聘之期兵寇不與聘使 九四 同人之家人

交通升陵禦伏莽之道 九四 同人之家人

乘其墉 鄭作 弗克攻 吉 虞曰巽為墉四在巽

五體訟乾剛在上故弗克攻則吉也 墉城

垣也詩崇墉言言成周以後謂室垣為墉禮

有北墉西墉皆在垣內易有城有墉周禮所

本乘墉者敵攻一家之詞動成家人故曰墉

伏罍象于野攻墉象于宗也乘覆也 馮 九五

也馮墉拒敵家人同力故攻者弗克 九五

同人之離 同人 應二為 先號咷而後笑 虞

應在二巽為號咷乾為先故先號咷師震在

下故後笑震為後笑也侯曰乾德中直不私

於物欲天下大同方始同二矣三四失義而  
近據之未獲同心故先號咷也 號呼也楚  
謂兒泣不止曰噉咷咷咷咷咷咷咷咷咷  
故以爲喜芙字震爲號咷咷咷咷咷咷咷  
家人互震攻墉故號咷咷咷咷咷咷咷咷  
後成乾互兌同人故芙說也 大師克相遇  
虞曰乾爲大人同人反師故大師二至五體  
遇也故相遇 五陽皆成陰一陰又成陽則  
爲地水師六爻俱變故曰大京言相 上九同  
克也遇偶耦通用字皆變易曰相耦 上九同  
人之革同人于郊无悔 應與乾上九同義當  
有悔同心之家故无悔侯曰獨處于外同人  
于郊也不與內爭无悔吝也 乾上爲郊象  
郊勞迎也  
成革則悔



希曰同人

九家易曰謂乾舍於離同而為日

下同人心故

柔得位得中而應乎乾曰同人

曰此本

夬卦九二升上上六降二則柔得位

得中而應乎

乾下奉上上之象義同於人故曰

同人曰

而希加人故顯卦名同人于野

亨利涉大川乾行也

虞曰旁通師卦巽為同

中應乾故曰同人于野亨此孔子所以明嫌

表微師震為夫巽為婦所謂二人同心故不

稱君臣父子兄弟朋友而故言人耳乾四上

失位變而體坎故曰利涉大川乾行也侯曰

九二升上上為郊野是同人在野而得通者

由乾爻上行耳故特曰乾行也復增同人

者既明同人爲卦名則于野上宜有文明以

所係也利者互卦明得乾乃行也何曰離爲文明乾爲

健中正而應君子正也剛健健非尙武乃以

文明應不以邪乃以中唯君子爲能通天下

之志虞曰唯獨也四變成坎坎爲通爲志故

作而萬物覩崔曰君子謂九二能舍己同人

以通天下之志若九三九四以其人臣則不

當矣故爻辭不言同人也象曰天與火同人故曰乾舍于離相與同居

焄氣能使地行者也天了無質地受日氣以

成軌道故言天家有宣夜宣煖也夜掖也以

煊氣掖地行爲天故郊報天而主曰此天之  
 外不能通彼天火力不及不成天地故天與  
 火乃同  
 人也  
**君子以類族辯物**  
 坤爲類乾爲族辯  
 別也乾陽物坤陰物體姤天地相遇品物咸  
 章以乾照坤故以類族辯物謂方以類聚物  
 以羣分孔子曰君子和而不同故於同人家  
 見以類族辯物也族不容二姓物不容二  
 性異不强同如  
 人不能出地  
**出門同人又誰咎也**  
 崔曰剛  
 比二以柔近同於人出門之象又誰咎矣案  
 初九震爻帝出乎震震爲大塗又爲日門出  
 門之  
**同人于宗吝**  
 侯以吝  
**道也**  
 吝亦臣妻之  
 象也  
**伏戎于莽敵剛也**  
 三爲敵  
**三歲不與安行**  
 也  
 道也  
 上與  
 爲敵  
 三歲不與安行

也崔曰與二相比欲同人焉盜憎其主而忌

於五所以隱兵於野將以襲之故曰伏戎

于莽五既居上故曰升其高陵一爻為一年

自三至五頻遇剛敵故三歲不興安可行也

案三互離巽巽為艸木離為戈兵伏戎于莽

之象也坤為安震為行不興戎則行者安

也乘其墉義弗克也但以義勝敵其吉則困

五動成兌而反則也而天下定同人之先

離坎為困也而反則也家人五動大師相遇言相克也

以中直也家人五動大師相遇言相克也

非相遇同人于郊志未得也侯曰同人之

乃相克也同人于郊志未得也時唯同于郊

志未得也入國乃能通其志

國乃能通其志

䷀乾下大有序卦曰與人同者物必歸焉故  
離上大有受之以大有崔曰以欲從人物  
必歸己所元亨鄭曰六五體離處乾之上猶  
以成大有元亨大臣有聖明之德代君為政  
處其位有其事而理之也元亨者又能長羣  
臣以善使嘉會禮通若周公攝政朝諸侯於  
明堂是也虞曰與比旁通柔得尊位大中應  
天而時行故元亨也姚曰互體有兌兌為澤  
位在秋也乾則施生澤則流潤離為長茂秋  
則成收大富有也大有則元亨矣大有即  
乾之變通故元亨也大壯利貞此不云利初  
貞者互兌象夬成大壯乃顯大有之利初  
九大有之鼎无交害匪咎虞曰害謂四四離  
害初動震為交比坤為害匪非也交交四  
也害傷也商為害反同人故无交而害見害

而咎害者則匪道矣故匪咎**艱則无咎**虞曰艱難謂陽動

變得位艱則无咎也**九二大有之離**四動

**大輿以載**釋文輿作車**有攸**虞曰比坤為

**往无咎**虞曰往謂之五二失位變得**九三大**

**有之睽公用亨于天子小人勿克**京曰亨獻

子謂五三公位也小人謂四二變得位體鼎

象故公用亨于天子四折鼎足覆公餗故小

人弗克也勝也**九四大**克能也勝也**有之大畜匪其彭**虞作彪子夏作旁**傳曰旁盛滿兒虞曰匪非**

也其位疋足疋體行不正四失位折震足故  
疋變而得正故无咎疋或作彭作旁聲字之  
誤干曰彭盲騎滿兒姚曰彭旁也  
今字篚車答也彭鼓聲震為鼓承上與言篚  
篚以裝載其將聞鼓言行道无咎  
而有戰事離為戎互坎為寇无咎  
言能六  
五大有之乾厥孚交如威如吉虞曰孚信也  
交如乾稱威發得位故威如吉本同人成  
家人有孚威如威如反身之謂蓋月如借字  
也自同人來非本孚乃厥孚也交皎通用字  
家人巽故皎如信誓明也成乾故反身而威  
如上九大有之大壯自天右之吉无不利  
虞  
謂乾也右助也大有通比坤為自乾為天兒  
為右故自天右之比坤為順乾為信天之所

助者順人之所助者信履信思順又以尚賢  
故自天右之吉无不利 乾上必亢陰柔則  
消故六十三卦皆非盡善剛亦有窮柔又不  
利唯大有六五自居於柔推上九爲先王以  
登用四陽則柔可當尊乾德盡利所謂後天  
而奉天時陰陽消息莫善於此故曰吉无不  
利

彖曰大有柔得尊位

柔當尊爲失位獨此爲得位

大中而

上下應之曰大有其德剛健而文明應乎天

而時行是以元亨

虞曰謂五以日應乾而行於天也時謂四時也大有

比初動成震爲春至二兌爲秋至三離爲  
夏坎爲冬故曰時行以乾亨坤是以元亨



象曰火在天上大有

荀曰謂夏火王在天萬物並生故曰大有也陸

曰離爲火爲日故曰大有 驗地行之由煊

掖知日之行亦必有掖之者故知火在天上

有天上是爲大也 君子以遏惡揚善順天休命

虞曰遏絕揚舉也乾爲揚善坤爲遏惡爲順

以乾滅坤體爻揚于王庭故遏惡揚善乾爲

天休二變時巽爲命故順天休命 純乾不

容一陰故遏惡五屈已奉上故曰揚善休與

也陰从陽爲順天 大有初九无交害也 其欲害

以興天下之命 大有初九无交害也 其欲害

以交 大有初九无交害也 其欲害

爲有 大有初九无交害也 其欲害

任重有應於五故所 公用亨于天子小人害

積皆中而不敗也 公用亨于天子小人害

也虞曰小人謂四也征伐除害二匪其彭

无咎明辯也鄭曰遷虞作析王虞作晰陸作逝

日析之離故明辯析也四在乾則兌在坤為

鼠在震噬肺得金矢在巽折鼎足在坎為鬼

方在離焚死在艮旅于處言无所容在兌睽

孤孚厲三百八十四爻獨无所容也哲从

日折明也禮曰哲明行事一作質明辯別也

軍中鼓行旅之鼓以司曉旦故明辯於哲旦

厥孚交如信以發志也侯曰其體文明其德

於物物懷其德以信應君君物交信厥威如

孚交如也皎明故能發志離為志

之吉易而无備也侯曰為卦之主有威不用

其德翻更畏威威如之吉也 易輕易大有

也備戒也易則无備故當反身自警 大有

上吉自天右也 尊而自謙損尚賢奉已上下

應之為乾所右 故吉且和也 應之為乾所右

三艮下謙子夏傳作嘽 序卦曰有大者不

三坤上謙可以盈故受之以謙子夏傳曰嘽

謙也崔曰富貴而自遺其咎故有大者不可

盈當須謙天之道也 嘽口有所銜也象地

中山謙敬也从兼無義後 高虞曰乾上九來

通以謙讓為卦義狹矣 高之坤與履旁通

天道下濟故言彭城蔡 君子有終鄭曰艮為

景君說剝上來之三 君子有終山坤為地

山體高今在地下其於人道高能下下謙之

象言者嘉會之禮以謙為主 謙者自貶損以

下人唯艮之堅固坤之厚順乃能終之故君子之人有終也虞曰君子謂三艮終萬物故君子有終一陰在四陰間故無元有初六官終即貞也成艮亦止故改貞為終

謙之明夷謙謙君子荀曰初最在下為謙二謙也謙謙歉古今用涉大川吉荀曰二陰字謙謙不自足之兒

成體故曰君子也九三六二謙之升鳴謙貞體坎故用涉大川吉

吉姚曰三體震為善鳴二親承之故曰鳴謙得正處中故貞吉明夷離鳥互震善鳴且鳴且謙鳥銜

食哺子之象九三謙之坤勞謙君子有終吉荀曰體坎為勞終下二陰君子有終故吉也勞而不伐事功曰勞也事以終為吉

六四 謙之小過 无不利

異也 互 撝謙 京房作揮

傳曰 撝謙化謙也 言上下化其謙也 京房曰

上下皆通曰揮 謙馬融曰 撝猶離也 鄭曰 撝

讀爲宣 荀曰 四得位處正 家性爲謙 故无不

利 陰欲撝三使上居五 故曰撝謙 撝猶舉也

爲謙 猶爲恭也 常自謙卑以應人事 六五 謙

之蹇 不富 以其鄰 荀曰 鄰謂上與四也 自四

五居中 有體故總言之 謙無君道 故象二

伯鄰 謂二也 二不成坎 五則成離 五之 不富

二以 利用 侵伐 作寢 无不利 荀曰 謂陽利

之也 敢不利之者 傳曰 粗者曰侵 精者曰伐 上

侵及境 伐至國也 離戎伐坎 寇故无不利 上

六 嗛之艮鳴謙

虞曰應在震故曰鳴嗛案上六兌爻兌為口舌鳴嗛之象

也 互震為二

所取象因同其

利用行師征

詞又取四小過

有飛鳥之象

利用行師征

國

虞曰體師象震為行坤為邑國利五之正己得從軍征故利用行師征邑國

師坤

為國

帝曰嗛亨

九家易曰艮山坤地山至高地至卑以至高下至卑故曰謙也謙者

兌世艮與兌合故言

天道下濟而光明

荀曰乾來之坤故下濟陰去為

離陽來成坎日月之象故光明也坤在上為天道應三故下濟離為光明初明夷也

地道卑而上行

侯曰此本剝卦乾之上九來居坤三是天道下濟而光明

也坤之六三上升乾位是地道卑而上行者也下二陰為地道上互震為行卑埤也

天道虧盈而益謙虞曰謂乾盈履上虧之坤三故虧盈貴處賤位故益

謙崔曰若日中則昃月滿則虧損有餘以補不足天之道也地道變

盈而流謙虞曰謙二以坤變乾盈坎動而潤下水流溼故流謙也崔曰高岸為

谷深谷為陵是為變盈而流謙地之道也變更也流水行也鬼神害盈而

福謙虞曰鬼謂四神謂三坤為鬼害乾為神福故鬼神害盈而福謙也福猶滿也

事鬼神之道滿於禮則損之謙則增之若郊質廟有祧人道惡盈而好

謙虞曰乾為好為人坤為惡也故人道惡盈從上之三故好謙矣崔曰滿招損謙受益

人之謙尊而光卑而不可踰君子之終也虞

天道遠故尊光三位賤故卑坎水就下險弱

難勝故不可踰天下濟光明也上行可以

貫上下地雖以埤增而成人附地上終

不可踰越自行如艮之有限故成終也

象曰地中有山謙劉表曰地中有山以高下

升人山本地上今居地中亦降體之義故為

謙象也九家易曰山至高卑以高下卑

故云謙也所以言地中者以明多之與少俱

行其謙也地平迤下入谷含飭至下則有

匡巉峴有似口君子以掇釋文多益寡稱物

衡包容故曰謙

平施鄭曰掇取也虞曰君子謂三掇取也艮

為多坤為寡乾為物為施坎為平謙乾



益益謙故撝多益寡稱物平施侯曰裒聚也  
象云天道益謙則謙之大者天益之以大福  
謙之小者天益之以小福故君子則之以大  
益施大德以小益施小德是稱物平施也  
不使嗛嗛君子卑以自拔也九家易曰承陽  
滿也嗛嗛君子卑以自拔也卑謙以陽自牧  
養也明鳴謙貞吉中心得也虞曰中正謂  
夷離爲牧崔曰言中正心與謙相得勞謙君子萬  
行有所得也震爲行謂三互震得  
民服也荀曰陽當居五自卑下眾降居下體  
居五位羣陰順陽故萬民服也萬民境內  
之民周官致萬民令於諸侯則曰眾兆民  
无不利撝謙不違則也九家易曰陰撝上陽  
不違法則謙不過禮

坎為利用侵伐征不服也荀曰不服謂五也

戈兵侵伐之象也二伯鳴嗟志未得也二

典侵伐蹇險止嫌不利二良故未得可用行師征國也征國本作征邑

為邑國今從釋文九家易曰陰陽相應故鳴謙也雖應不承故志未得謂下九三可行

師來上坤為邑國也三應上上呼三征

來居五位故曰利用行師征邑國也

三三震上豫序卦曰有大而能謙必豫故受之

動也順其性而動者莫不得其所故謂之豫

豫喜豫悅樂之兒豫象之大者此當為子

推子也故利建侯行師鄭曰震又為雷諸侯

為喜樂之象坤又為眾師役

之象故利建侯行師矣虞曰復初之四與小  
畜有通坤為邦國震為諸侯初至五體比象  
四利復初故利建侯三至上體師象故行師  
無元吉貞但以艮坎為利也震百里艮止  
之故建侯震初六豫之震鳴豫凶虞曰應震  
行坎師也  
故鳴豫凶也豫踊古今字春秋傳豫諱為  
踊諱震為善鳴作足故鳴且踊雷則踊乃鳴  
也六二豫之解拊于石拊一作斫介馬曰  
謂磨斫也虞曰介纖也與四為艮艮為石故  
介于石介界通用字界猶隔也欲應五而  
為四不終日貞吉虞曰與小畜通應在五終  
所隔  
急復初已得休之故不終日貞吉成解  
互離坤為終貞不變故不終日知幾也  
六

子夏傳盱作紆京房作  
汗鄭曰盱誇也姚信

曰盱曰始出詩盱曰始旦向秀曰睢盱小人喜悅佞媚之兒也盱豫對冥豫姚讀旭是

也此皆以豫爲游二不終曰三遲有悔徐行

也小過象行過成豫九四豫之坤猶豫猶本作由

今從馬曰猶豫疑也鄭曰由用也虞曰  
由自從也侯曰爲豫之主眾陰所從莫不由

之以得其豫此豫本義大象性疑也猶貌  
屬善顧故顧慮遲疑者爲猶豫由猶通用豫

大有得順故大有得得羣陰也

互坎爲疑成坤爲  
得震乾元故大有  
勿疑朋盍簪  
馬作臧荀

作宗虞作哉今作簪俗先字子夏傳曰替  
疾也鄭曰替速也虞曰坎為疑故勿疑小畜  
兌為朋益合也坤為益哉叢會也坎為叢坤  
為眾眾陰並應故朋益哉哉舊讀作摺作宗  
也侯曰體剛心直志不懷疑故得羣物依歸  
朋從大合若以簪簪之固摺也猶豫尚有  
得恐其少決故戒之也互兌為朋替曾也先  
今尖字益覆也四象噬嗑噬合也合而替之  
謂宗六五豫之萃貞疾恆不死虞曰恆常也  
之也坤為死震為反生位在震中與坤體絕故  
貞疾恆不死也豐象日食豫象月食月食  
月行疾也詩如月之恆恆經也月有上弦下  
弦有外霸尚書有死霸對才生霸二日才生  
十六日方外月食上六豫之晉冥豫馬曰冥  
望日而非死也

樂也鄭曰冥讀爲鳴虞曰應在三坤爲冥王  
虞曰冥深也晉離成震冥日入也从日六  
十六日而月始虧承上旭弭死而**成有渝无**  
取冥象冥猶游豫是耽樂無節度  
**咎**虞曰渝變也三失位無應多凶變乃得正  
體艮成故成有渝无咎成平也春秋鄭  
人來渝平傳曰輪平陸成也吾成敗矣有又  
也成而又渝是不信也建侯行師故象行成  
要盟非信故  
渝而无咎矣

**彖曰豫剛應而志行順以動豫**

崔曰坤下震上順以動也

侯曰四爲卦主五陰應之剛志大行故曰剛應而志行

動豫行游也孟子書作動容

**豫順以動故天地如之而況建侯行師乎**

虞曰

小畜乾爲天坤爲地如之者謂天地亦動以  
成四時而況者言其皆應而豫也九家易曰  
震爲建侯坤爲行師建侯所以興利行師所  
以除害利興害除民所以豫樂也天地有生  
殺萬物有始終王者盛衰亦有迭更猶武王  
承亂而應天地建侯行師奉辭除害民得豫  
悅君得安樂也天地以順動故日月不過而四時不  
忒鄭曰忒差也虞曰豫變通小畜坤爲地動  
初至三成乾故天地以順動也過謂失度  
忒差迭也謂變初至需離爲日坎爲月皆得  
其正故日月不過動初時震爲春至四兌爲  
秋至五坎爲冬離爲夏四時位正故聖人以  
四時不忒通變之謂事蓋此之謂  
順動則刑罰清而民服至四兌爲刑至坎爲

罰坎兌體正故刑罰清坤爲民乾爲清以乾  
乘坤故民服案帝出震聖人也坎爲法律刑  
罰也坤爲眾順眾而民服  
也刑罰罪也从井刀  
虞曰順動天地使日月四時皆不過差刑罰  
清而民服故義大也傳贊大者十一卦豫  
隨遯姤旅皆言時義大此五卦  
君不當尊故以義戒當時也

象曰雷出地

崔曰震在坤上故言奮豫雷陽

氣亦謂龍也夏至後陽氣極而一陰生冬至  
後陰氣極而一陽生陰陽相擊而成雷聲雷  
聲之疾有龍奮迅豫躍之象故曰奮  
豫以豫有二義明此取於奮踊  
作樂崇德殷薦上帝  
殷京作隱各本云  
薦之此從孟喜  
以配

先王以



祖考

馬曰殷盛也鄭曰上帝天帝也奮動也

喜佚動搖猶人至樂則手欲鼓之足欲舞之也崇充也殷盛也王者功成作樂以文得之者作禽舞以武得之者作萬舞各充其德而為制祀以天帝配祖考者使與天同饗其功也故孝經云郊祀后稷以配天宗祀文王於明堂以配上帝是也荀曰樂者聖人因人之豫而節之所以養其正而閑其邪其和可以感鬼神而況於人乎坤為先王上帝感生帝也以祖考配祀於明堂此周制耳先代但以祖配上帝也以祖配不得云以配祖此非謂配饗言配比也啟蟄而初六鳴豫志窮凶郊以感生比祖考充其德

也

虞曰體剝滅貞故志窮

凶也

豫

不終日

貞吉以中正也

侯曰得位居中柔順正一明

假如堅石不移

盱豫有悔位不當也由豫大有得志

大行也

崔曰以一陽而眾陰從己六五貞疾

乘剛也

乘陽故其行近恆不死中未亡也侯曰

六五居尊而乘於四四以剛動非己所乘乘剛為政終亦為病若恆不死者以其中也

地掩月中

冥豫在上何可長也

荀曰陰性冥昧居尊在上

而猶豫悅故不可長互巽則萃涕洟故不可長游豫也成晉未光

震下

隨序卦曰豫必有隨

元亨利貞无咎

焦贛曰漢高帝與項籍其明徵也鄭曰震動也兌說也內動之以德外說之以言則天下之人咸慕其行而隨从之故謂之隨也既見隨從能長之以善通其嘉禮和之以義幹之以正則功成而有福若无此四德則有凶咎焉虞曰否上之初剛來下柔初上得正故元亨利貞无咎四德同乾必無隨從之道鄭虞誤依左傳說耳剛來下柔無元之義卦以隨名咎孰大焉故明之以隨乾乃无咎隨乾即奉天大有之義也彼法先王故无不利此奉天時故

初九隨之萃官有渝貞吉出門交

有功

官蜀才作館鄭曰震爲大塗又爲日門當春分陰陽之所交也是臣出君門

與四方賢人交有成功之象也昔舜慎徽五典五典克從納于百揆百揆時敘賓于四門

四門穆穆是其義也九家易曰渝變也謂陽  
來居初得正爲震震爲子得土之位故曰官  
也陰陽出門相與交通陰往之上亦不失正  
故曰貞吉而交有功官館通用字使臣所  
居曰館卽吏居也因饗餼而加食耳互艮爲  
館震行大塗象聘使艮止之是在館館而又  
渝盟不成也動則渝故貞則吉也出門者讀國書於門外  
**小子失丈夫**虞曰應在巽巽爲繩故稱係小  
謂四體大過老夫承四隔三故失丈夫三至  
上有大過象故與老婦士夫同義體咸象夫  
死大過故每有欲嫁之義也小子君之子  
當嗣者記曰大夫士之子不敢自稱予小子  
又曰天子未除喪曰予小子傳曰旣葬稱子  
晉有小子侯其殷制與丈夫對婦人言之皆

喪服疏遠卑幼之稱大功六三隨之革係丈

以下見三丈夫互巽爲丈

夫失小子虞曰隨家陰隨陽三之上无應上

子艮象不見成革互巽也陽

隨有求得利

居貞

利上承四故利居貞矣有又也陽隨

陰已失位又求所得

九四隨之屯隨有獲貞

凶

虞曰謂獲三也失位相據在大過死象故

有獲非隨

有孚在道以明何咎

初震爲道三五

已之正四變應初得位在離故有孚在道以明何咎象曰明功也在察何擔也屯坎爲

孚震爲道三革爲明三失小子失四也四成  
坎孚之應初比三成既濟乃可擔荷隨人之  
咎成既濟九五隨之震孚于嘉吉虞曰坎爲  
之功也  
位五正故吉也嘉禮冠昏鄉射  
當隨人行者也二動互離爲嘉  
无妄拘繫之小子三係丈夫失乃從維之虞曰  
艮艮手爲拘巽爲繩兩繫稱維故拘繫之乃  
從維之在隨之上而無所隨故維之象曰上  
窮是其義也從者四五乃難詞也隨上陰  
無所從成无妄剛乃爲主乃能維二陰也四  
係爲維維車蓋維王用亨于西山虞曰否乾  
也象四陽制二陰  
也有觀象故亨兌爲西艮爲山故王用亨于  
西山也陸績曰亨祭也文王喻時事也無

明天子當用二伯王用亦隨義也而可以拘  
丈夫係小子維人心是於西山用高之利會  
同有四高周西伯  
在西嶽言山謙詞

帑曰隨剛來而下柔動而說隨

虞曰否乾上

剛來而下柔動震說

大亨利貞无咎

今本無

兌也剛自蠱來  
日隨者震之歸魂震歸從巽故大通動爻得  
正故利貞陽降陰升嫌於有咎動而得正故  
无咎改元言大者隨而天下隨時虞曰乾  
無元義見隨亦非元也為天下震春兌秋三四之正坎冬離夏四時位  
正時行則行故天下隨時矣四德象四時  
也隨時之義大矣哉蜀才曰此本否卦剛自  
上來居初柔自初而升

上則內動而外說是動而說隨也相隨而大  
言无咎得於時也得時則天下隨之矣故曰  
隨時之義大矣哉隨

象曰澤中有雷隨九家易曰兌澤震雷八月

時之象也川陸重複君子以嚮晦入宴息

寔氣不申隨引而墮也

鄭曰晦冥也猶人君既夕之後入其燕寢而

止息翟元曰雷者陽氣春夏用事今在澤中

秋冬時也故君子象之日出視事其將冥晦

退入燕寢而休息也侯曰坤為晦乾之上九

來入坤初嚮晦者也坤初升兌兌為休息入

宴者也欲君民者晦德息物動說黎庶則萬

方歸隨也陽之隨陰唯在晦

息也嚮之字合向鄉非古字官有渝從正



吉也

乃萃也

出門交有功不失也

皆有失

係

小子弗兼與也

虞曰已係於五不兼與四也四為小子初為丈夫成兒

則失係丈夫志舍下也

初舍處也從隨有獲

其義凶也有孚在道明功也

虞曰死在大過故凶也功謂五

也三四之正孚于嘉吉位正中也

虞曰凡

為明故明功也正中正皆陽得其正以此

拘係之上窮也

虞

為例矣乘剛无應故上窮隨

陰義窮轉而隨陽也

䷥ 艮上

蠱序卦曰以喜隨人者必有事故受也九家易曰子行

父事備物致用而天下治也備物致用立成  
器以爲天下利莫大於聖人子修聖道行父  
之事以臨天下无爲而治也蠱覆中蟲也  
皿久必生蟲故以爲陳久之稱因以爲故事  
之故尔正云疑也元亨利涉大川之虞曰泰初  
左傳乃以爲蠱惑元亨利涉大川之上與隨  
有通剛上柔下乾坤交故元亨也二失位動  
而之坎故利涉大川也伏曼容曰蠱惑亂也  
萬事從惑而起故以蠱爲事也案尚書大傳  
云乃命五史以書五帝之蠱事然爲訓者正  
以太古之時无爲无事也今言蠱者是卦之  
惑亂也時既漸澆物情惑亂故事業因之而  
起惑矣故左傳云女惑男風落山謂之蠱是  
其義也初成大畜有乾二德也互震爲涉  
二艮互坎

爲大川

先甲三日後甲三日

子夏傳曰先甲三日者辛

王癸也後甲三日者乙丙丁也馬曰甲在東方艮在東北故云先甲巽在東南故云後甲所以十日之中唯稱甲者甲爲十日之首蠱爲造事之端故舉初而明事始也所以言三口者不令而誅謂之暴故令先後各三日欲使百姓徧習行而不犯也鄭曰甲者造作新令之日甲前三日取改過自新故用辛也甲後三日取丁寧之義故用丁也日用甲謂郊也蠱者父子之事故以郊言之五動互離故先後日三日象三爻也魯郊用辛二王後郊日也召誥丁巳郊蓋類初六蠱之大畜幹祭用丁也以甲爲始數

父之蠱有子考

虞曰幹正蠱事也泰乾爲父坤爲事故幹父之蠱初上易

位艮爲子父死大過稱考故有子考大畜乾爲父變陰象父傳子幹筭通用字筭父事

成其志故有子无咎厲終吉虞曰變而得正故无咎厲終吉

也九二蠱之艮幹母之蠱不可貞虞曰應在五泰坤爲

母故幹母之蠱失位故不可貞蠱上爲父五爻皆子道也上成升坤爲母貞則成艮艮

止故不九三蠱之蒙幹父之蠱小有悔无大

咎悔成蒙故小有六四蠱之鼎裕父之蠱往

見吝馬曰裕寬也虞曰裕不能爭也孔子曰父有爭子則身不陷於不義四陰體大

過本末弱故裕父之蠱兌爲見變而失正故

往見吝象曰往未得是其義也裕饒也承

父饒裕而折鼎六五蠱之巽幹父之蠱用譽

足故往而不行

六五蠱之巽幹父之蠱用譽

荀曰體和應中承陽有實用斯幹事榮譽之道也虞曰譽謂二也二五失位變而得正故用上九蠱之升不事王侯高尚其事鄭曰上九艮爲山辰在戌得乾氣象父老之象是臣之致事也故不事王侯虞曰泰乾爲王坤爲事應在於三震爲侯坤象不見故不事王侯五已變巽爲高艮陽升在坤上故高尚其事  
**彖曰蠱剛上而柔下巽而止蠱**虞曰泰初之上之初故柔下上艮**元亨而天下治也**荀下巽故巽而止蠱也  
蠱者巽也巽歸合震故元亨也蠱者事也備物致用故天下治也嫌故事非元故明承統改元**利涉大川往有事也**九家易曰陽往之義據陰陰來承陽

故有事也此卦本泰乾天有河坤地有水二  
爻升降出入乾坤利涉大川也陽往求五陰  
來求二未得正位先甲三日後甲三日終則  
戎事不息故有事

**有始天行也**

虞曰謂初變成乾乾爲甲至二成離離爲日謂乾三爻在前故

先甲三日日賁時也變三至四體離至五成乾三爻在後故後甲三日无妄時也易出震消息麻乾坤象乾爲始坤爲終故終則有始乾爲天震爲行故天行也 二代爲終新王爲始繼先代如父子法天行也

**象曰山下有風蠱**

何曰山者高而靜風者宣而疾有似君處上而安靜

臣在下而行令也

蠱生於

**君子以振民育**

風山足容之象事有限止

德虞曰君子謂泰乾也坤爲民初上撫坤故

民猶蟲也故則振之幹父之蠱意承考也父

沒觀行唯幹母之蠱得中道也虞曰變而得

中道也男不言幹父之蠱終无咎也裕父

內母事非所幹也虞曰往失位折幹父用譽承

之蠱往未得也鼎足故未得幹父用譽承

以德也虞曰變二使承五故承不事王侯志

可則也荀曰年老事終不當其位體艮爲止

志可則言雖無

事而志卽事也

三兌下臨序卦曰有事而後可大故受之以  
三坤上臨臨者大也崔曰有蠱元亨利貞  
大之業成故曰有事然後可大元亨利貞  
臨從臥品監臨也蓋眾事故為大  
至于八月有凶鄭曰臨大也陽氣自此浸而  
功於乾盛之極也人之情盛則奢淫奢淫則  
將亡故戒以凶臨卦斗建丑而用事殷之正  
月也當文王之時紂為無道故於是卦為殷  
家著興衰之戒以見周改殷正之數云臨自  
周二月用事訖其七月至八月而遯受之此  
終而復始王命然矣虞曰陽息至二與遯旁  
通剛浸而長乾來交坤動則成乾故元亨利  
貞臨消於遯六月卦也於周為八月遯弒君  
父故至于八月有凶荀公以兌為八月兌於  
周為十月言八月失之甚矣臨不能有四



德凡言元亨利貞者五卦皆戒詞也雖有四德猶必有凶君子不貴臨也八月不論正三

統皆各有八月皆必有凶以天初九臨之師道厯二百四十日則大變也

咸臨貞吉 虞曰咸感也得正應四故貞吉也臨取象澤地故以北陵言之左

高咸北右高臨北左右皆高北相九二臨之臨地勢自高矣以初二象左右

復咸臨 二北無吉无不利 虞曰得中多譽異象也

初元吉故无不利 初動成師初失律六三故貞吉二成復反居觀五故无不利

臨之泰甘臨无攸利 爰稼穡作甘兌口銜坤為土土

故曰甘臨失位乘陽故无攸利 甘既憂之 拊也拊制臨下下必叛之故无所利

无咎

師坎爲憂俱動則成升

六四

臨之歸妹

至臨

无咎

荀曰四與二同功欲升二至五已得承順之故曰至臨也虞曰至下也謂下至初應當位

有實故无咎也自上下下不以勢臨

六五

臨之節

知臨大

君之宜吉

荀曰五者帝位大君謂二也宜升

也知匹也坤居尊位象后妃

上六

臨之損

宜配天子匹而臨下故吉也

敦臨吉无咎

荀曰上應於三欲因三升二過

吉无咎如覆敦者敦北敦堆自通用字成

艮在上堆阜之象臨下自損故无咎也臨易

得咎故

三戒之

易二

三

三

三

三

三

三

彖曰臨剛浸而長說而順剛中而應

虞曰剛謂二也

兌為水澤自下浸上故浸而長也說兌順坤也剛中謂二也四陰皆應之故曰而應浸

即澤也从水寔寔亦臥也與臨同意浸長侵尋而長潛長也

大畜以正天

之道也

虞曰謂三動成乾天得正為泰

至于

八月有凶消不久也

荀曰八月為否蜀才曰此本坤卦剛長而柔消

故大畜利正也案臨十二月卦也自建丑之

月至建申之月凡麻八月則成否也否則天

象曰澤上有地臨

荀曰澤卑地高高

君子以

教思无窮容保民无疆

虞曰君子謂二也震爲言兌口講習學以

聚之問以辯之坤爲思剛浸長故以教思无窮容寬也二寬以居之仁以行之坤爲容爲民故保民无疆矣臨者人之所不樂咸臨唯教士保民爲宜法地澤乃無窮竟也

貞吉志行正也

荀曰陽始咸升以剛臨柔得其正位而居是吉故曰志行

正虞曰初在卦下四當臨之陽升之世陰亦下降初動而說往感于四四順其欲相與志行其正猶賢人思治願奉其咸臨吉无不利

未順命也

荀曰陽當居五陰當順從今尚在二故曰未順命也坤爲順巽爲

命觀巽不能命坤故爲臨乃吉无不利

甘臨位不當也

能臨二

陽故強

既憂之咎不長也

虞曰言三失位故

咎不可

至臨无咎位當也

荀曰陽雖未乘處

是位當也

連

大君之宜行中之謂也

荀曰

處中行升居五五亦處

敦臨之吉志在內也

九家易曰志在升二也陰以陽為主

故志在內也

敦以限之懲忿窒慾

三三坤下觀以序卦曰物大然後可觀也故受之

馬曰盥者

見人觀從盥而觀薦有孚顒若進爵灌地  
以降神也此是祭祀盛時以下觀上見其至  
盛之禮萬民信敬故云有孚顒若孚信顒敬

也鄭曰諸侯貢士於天子卿大夫貢士於其  
君必以禮賓之唯主人盟而獻賓賓盟而酢  
主人設薦俎則弟子也祭禮陳鼎主人盟  
有司佐食設俎既焉主人又盟入戶主婦薦  
豆故曰盟而觀薦各本作不薦義雖可通於  
象爲疏巽長女主婦象也鄭以嘉禮說之以  
孚顙則祭初六觀之益童觀小人无咎君子  
禮爲近  
吝馬曰童猶獨也鄭曰童稚也虞曰艮爲童  
陰小人陽君子初位賤以小人承君子故  
无咎陽伏陰下  
故君子吝矣六二觀之渙闕觀利女貞虞  
臨兌爲女竊觀稱闕兌女反成巽巽四五得  
正故利女貞艮爲宮室坤爲闕戶小人而應  
五故闕觀女貞利不淫視  
闕闕也闕頭在門中艮爲門六三觀之漸觀

我生進退

虞曰坤爲我臨震爲生生謂坤生民也巽爲進退故觀我生進退臨

震進之五得正居中故象曰未失道

我謂

國也生事也三五同功故同觀我諸侯進退

也在王

六四觀之否觀國之光利用賓于王

曰虞

坤爲國臨陽至二天下文明反上成觀進顯

天位故觀國之光王謂五陽陽尊賓坤坤爲

用爲臣四在王庭賓事於五故利用賓於王

矣詩曰莫敢不來賓莫敢不來王是其義也

禮既聘請觀自下門入光廣

九五觀之剝

也廣大莫若京師故利賓王

觀我生君子无咎

虞曰我身也謂我生生爲

嫌非生民故不言民陽爲君子在臨二上九

失位之五得道處中故君子无咎矣

上九

觀之比觀其生君子无咎虞曰應在三三體震故觀其生君子謂三之三得正故无咎矣上九不事之位故觀其生與五同臨下陰故其詞同言小人則各也

彖曰大觀在上蜀才曰此本乾卦案柔小浸長剛大在上其德可觀故曰

大觀在上也觀上順而巽中正以觀天下

加大大以二陽同德也虞曰謂陽息臨二直方大臨者大也在觀上故稱大觀順坤也中正謂五五以天神道觀

示天下咸服其觀盟而不薦有孚顒若下觀

而化也稱虞曰觀反臨也以五陽觀示坤民故稱觀盟沃盥薦羞牲也孚信謂五顒



顓君德有威容兒若順也坎為水坤為器艮  
 手臨坤坎水沃之盟之象也故觀盟而不薦  
 孔子曰禘自既灌吾不欲觀之矣巽為進退  
 容止可觀進退可度則下觀其德而順其化  
 上之三三五在坎中故有孚顓若下觀而化詩  
 曰顓顓叩叩如圭如璋君德之義也祭之  
 禮堂上觀乎室觀天之神道而四時不忒鄭  
 堂下觀乎上  
 坤為地為眾巽為木為風九五天子之爻互  
 體有艮艮為鬼門又為宮闕地上有木而為  
 鬼門宮闕者天子宗廟之象也虞曰忒差也  
 神道謂五臨震兌為春秋三上易位坎冬離  
 夏日月象正故四時不忒地隨風聖人神  
 行軌道四游之象故神道定四時  
 道設教而天下服矣  
 虞曰聖人謂乾退藏於  
 密而齊於巽以神明其

德教故聖人設教坤民順從而天下服矣  
聖人巡守分方亦法四游也設陳施也

象曰風行地上觀知地氣虛盈先王以省方

觀民設教九家易曰先王謂五應天順民受

槁朽腐獨不從風謂應外之爻天地氣絕陰

陽所去象不化之民五刑所加故以省察四

方觀視民俗而設其教也言先王德化光被

四表有不賓之民不從法令以五刑加之以

齊德教也五不初六童觀小人道也不可民

獨尊故亦稱先王初六童觀小人道也不可

使知故童闕觀女貞亦可醜也侯曰得位居

觀亦道也闕觀女貞亦可醜也中上應於五

闕觀朝美不能大觀處大觀之時而爲闕觀

女正則利君子則醜也案六二離爻離爲目

又爲中女外互體艮艮爲門闕女目近門闕  
觀之象也許慎書醜可惡也此不知鬼尊  
同天而妄說之經傳醜皆訓眾訓類不言醜  
惡春秋時乃有醜辱之詞非雅言也爻以爲  
利傳不得以爲惡醜可醜觀我生進退未失  
者可匹也言女智可取觀我生進退未失  
道也荀曰我謂五也生者教化生也三欲進  
陸績曰我觀國之光尚京作賓也崔曰得位  
生卽道也觀國之光尚上京作賓也崔曰得位  
王者職在按揚國俊賓薦王庭故以進賢觀  
爲尚賓也陸績曰臣道出於六四爻也觀  
我生觀民也虞曰坤爲民謂三也坤體成故  
生觀其生志未平也虞曰坎爲志爲平上來  
也之三故志未平矣

辯便古今字上不治世  
以後王未辯故觀之

周易上經泰傳弟二

易說二